



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlvm XXX. Constitutus.

[urn:nbn:de:hbz:466:1-62587](#)

duo patroni. §. Idem Julianus. ff. de iure iurando. gl. magnabie. alioquin verò, si supervno tantum articulo jurârit, non poterit examinari super aliis non connexis, vti hic docet *Imola*. n. 2. & breuiter tradit Speculator de testibus. §. 4. n. 2. & 3. quod nec judex nec partes pati debent, vt testes jurent tantum super datis articulis, sed cogendi vt jurent super datis articulis & totâ causâ, nam 3 alioquin non valeret testimonium eorum, si quid dicerent extra illos articulos.

4 Not. III. Testis non juratus examinari non debet, quia non valet eius testimonium. ita gl. hic recepta, verb. non iuncti & docui lib. 3. Th. Mor. Tract. 6. cap. 4. n. 6. sed

5 Quæritur 1. An necessarium sit ad substantiam testimonii, vt juramentum antecedat depositionem. Responsio est affirmativa, apud *Gail. lib. 1. obseru. 13 I. n. 9. Felinum. h̄c. n. 5.* qui tamen limitant. Si in continenti sequatur juramentum, tunc moraliter loquendo, depositionem censeri juramento informatam, maximè cum juramentum referatur ad præcedentem depositionem, ita ut sit veluti assertio repetita, eaque nunc jurata, qua anteā erat nuda. Sed bene admonet *Felinus*, non satis fore cautum parti, contra quam deponitur, si testis sine juramento se examinari ratus deposuerit, si enim postea jurare jubeatur, non audebit suum dictum fallsum retractare, mendaciumque fateri, & ita facile peierabit.

6 Quæritur 2. Vtrum testes in scripto testimonium dare possint, responsio est negativa ex c. *Testes. 15. causâ. 3. q. 6.* vbi dicitur, quod non per scripturam, sed præsentes testimonium veraciter proferre debeant, & docet ibi *Ioan. Turrecremata. Io. Andr. h̄c. & alii apud Farin. q. 80. n. 27.*

CAPITVLVM XXX.

Constitutus.

PARAPHRASIS.

Vacante Archidiaconatu Richemundi Archiepiscopus Eboracensis eum contulit Magistro Honorio, sed eiusdem Ecclesiæ

Decanus, & Capitulum existimantes conferendi potestatem ad se pertinere, tum per Concilium Lateranense sub Alessandro III. in capitulo. 2. de concess. praebenda, tum per priuilegii cuiusdam concessionem, vtilegitur in c. Post electionem. 7. cit. tit. lib. 3. decret. eundem Archidiaconatum Magistro Rogelio contulerunt, & in possessionem introduxerunt, cùm autem lis coram judicibus delegatis, receptis etiam testibus, penderet, Honorus post interpositam appellationem spoliauit Rogelium, quare iste à Papâ commissionem impetravit ad quosdam super restitutione ipsi faciendâ, sed Honorus in curiâ personaliter existens, mox alias litteras Papales impetravit reuocatorias prioris commissionis, quippe cùm per falsi suggestionem impetrata dicetur, inter alia etiam petebat Honorus à Pontifice, vt juberet testimoniū quorundam depositiones publicari, sed Rogelij Procurator ex aduerso stans, dicebat non esse publicandas, quia non in hac causâ, sed in aliâ diuersâ, quæ inter Archiepiscopum, & eundem Rogelium vertebarunt testes producti fuerint; quare Innoc. III. noluit eas aperire, sed judicium in partibus delegatorum examini commisit hâc formâ, vt si cognoverint testes coram prioribus delegatis judicibus productos fuisse ab ipso Honorio, non permittatur eosdem testes denuò reproducere, cùm prioribus attestationibus contentus esse debeat. Si verò testes non ab Honorio, sed ab Archiepiscopo producti fuerint, tunc Honorus, si voluerit eosdem (sicuti & alios testes) in suâ causâ producere poterit.

SUMMARIUM.

1. Causâ ab uno judice ad alium delegatum translata, attestationes vel appellationes facta à priori judice petenda & publicande.
2. Attestationes inter certas personas receptae in iudicio, ad petitionem tertia Personæ non sunt publicande, eisf eius intersit, nisi aduersarius consentiat.

3. Co-

3. Coram diverso iudice , ne parte quidem principali petente , attestaciones sunt publicande , nisi aduersarius consentiat , vel testes mortui sint .

NOT. I. Si testes recepti sint super quibusdam articulis , & accidat , causam ad alios delegatos judices transferri , non debent testes super eisdem articulis iterum produci , sed attestaciones , si adhuc extant , à prioribus judicibus peti , & publicari debent juxta c. vlt. iuncta gl. in notand. de probatione . &c. Causam. 11. hoc tit.

2. Not. II. Attestaciones receptae in iudicio inter certas personas non debent ad petitionem personae tertiae publicari , tametsi eius aliquo modo interfit . ita Io. Andr. hic n. 3. qui tamen id limitat. n. 4. & Abbas. n. 5. si aduersarius consentiat , quod attestaciones publicari possint .

Loquimur autem in casu , si coram eodem judice aut subrogato , vel judice appellationis attestacionum publicatio petatur , at verò coram diuerso judice ne pars quidem principalis attestacionum publicationem obtinebit , nisi aduersario consentiente , aut si testes mortui sint , vt denud produci non possint , sicuti dixi in c. Causam. 11. hoc tit.

CAPITVLVM XXXI.

Praesentiam

PARAPHRASIS.

Si quis post attestaciones publicatas opponere aliquid velit contra personas testimoniū , non audiatur nisi prius jurauerit , quod id malitiosè non petat , præterquam si ante publicationem protestatus fuerit contra testes , aut nisi ostenderit , quod post publicationem cognoverit ea , quæ testimoniis obiicit ; veruntamen in casu illo , quo aliquis protestatus fuit contra testes , quod post publicationem dictorum eos ut inhabiles repellere velit , neque si aliquid pro ipso dixerint , facile iis credendum erit .

S Y M M A R I V M.

1. Ante publicationem attestacionum , excipiendo contra testimoniū personas .
 2. Inabilitas testimoniū post publicationem attestacionum censetur postea primū superuenisse , ideoque proponi post eam potest , sed plerumque cum prævio juremento .
 3. Exceptio contra personas testimoniū partim est dilatoria , partim peremptoria .
 4. Testes semel producti in nullo postea iudicio amplius reprobari possunt , nisi superueniente reprobandi causā , v. g. inimicitia .
- Ita uniuersim approbans personam ad certum actum vel officium , ad idem vel simile reprobare non potest , nisi ex causā superueniente vel antē incognita .
5. Testimoniū dictare reprobare , & falsitatis argere potest productus , non autem contenta in instrumento a se producta .
 6. Si quis contra personas testimoniū protestatus sit , tunc credendum non est ipsis , quatenus pro protestante deposuerunt .

NOT. I. Si quid contra testimoniū personas obiiciendum sit , fieri id debet , priusquam eorū attestaciones publicentur , nam si quis poste à repellere velit , videtur id malitiosè agere ad protrahendam aut impediendam litis definitionem , quamobrem monet Innoc. hic. n. 2. consultum esse , vt iudex , antequam testimonia promulgentur , admoneat partes , si quid obiicere velint contra personas , vt id faciant maturè . Procedit autem hæc doctrina , si aduersarius citatus ad videndum testes productos , reseruauit sibi facultatem excipiendi contra eorum personas ; talis enim exceptio admitti solet , sed non tam facile admittitur protestatio , vt liceat etiam post publicationem opponere , sicut Innoc. hic tradit n. 2. Joan. Andr. n. 4. quare quod in textu dicitur malitia suspicionem tolli per juramentum , non ita intelligi debet , quasi ordinati aliquis admittendus sit ad opponendum contra testes etiam post publicationem , cùm antē non opponendo in eos consensisse videatur .

vii